perder suo, facendo serar tute le botege per la tera e netizar le strade per el portar del corpo. Qual è stà portato da sei contestabeli de questo illustrissimo capitano fin a la chiexia di San Agustino, et li portò su l'aparato tribunalizio in mezo de la chiesia, fatoli in laude sua una oration per uno de quelli religiosi latina con grande commendatione del corpo suo, dove sarà facto uno deposito, et posto in una de le belle parte che sia de lì, e li starà fin tanto che del corpo predicto sarà facta altra deliberation, al qual è stà facto et farasse li solenni officii che etiam a tal pompa sono corrispondenti, che tutto siede a grandissimo honore di caxa sua. Et manda una poliza del hordine observato ut supra, nè è da dolersi per esser morto in nobile magistrato e più importantissimo loco che habbi la Illustrissima Signoria nostra, e in tanto honore quanto è scripto; et è morto con tute quelle optime condictione etiam de li sensi soi fin a l'ultimo spirito suo se pol morir qualunque altro, morto in gratia del nostro Signor Dio et di la Illustrissima Signoria e honor di casa sua.

## Lo ordine qual è stà tenuto a sepelir il clarissimo proveditor di Crema.

	Et primo, Discipline	para nu	imero	30 1/2
	Disciplini	» (I	)	18 1/2
	Disciplini	)	))	20 1/2
	Disciplini	)	))	27 1/2
	Disciplini	»	)	17 1/2
279*	Sancta Catherina, frati	) M	))	4 1/2
	Sancto Augustin, frati	)	)	20 1/2
	Sancto Francesco, frati	)	))	17 1/2
	Sancto Domenico, frati	)	))	14
	Sancta Magdadela	))	))	2 1/2
	Croce una de Santco Antonio .	)	)	1
	Sancto Jacobo et Filippo	nione a	. »	1 1/2
	Sancto Martino	cryst s	. »	1 1/2
	Sancto Marino			
	Sancto Bartolameo	(a.d., 18)	. »	2 1/2
	Canonici e preti de tutte le pa-			
	rochie	para	) •	24
	Nodari el Colegio.			
	Torzi davanti el corpo numero 13.			
	El corpo portado da li contestabeli numero 6, accompagnato da doctori, parte davanti e parte da driedo el corpo.			
	da driedo el corpo.			
	Torzi da driedo, numero 12.			

Lo illustrissimo signor Renzo con la corte et zentilhomeni di Crema, quali compagnorono lo dicto corpo.

Di Mantoa, di Paulo Augustini più letere, 280 l'ultima di 17. Come hanno lì, da Milan esser concluso tra quelli signori venir fino a Padoa e far uno forzo tutte quelle zente e altri vegnirano dil contà di Tyrol, e far tirar il nostro campo in Padoa e li vol pagar per terzo. Item, come il cardinal de Medici, era legato a Bologna, è andato a Fiorenza, per esser seguita certa novità in quella terra.

Di campo, dil provediior Capello, più letere da San Bonifacio, l'ultime di 18. Come il vescovo di Trento li havia scripto: che essendo passà di qua il campo, era mal a tenir più il ponte sopra l'Adexe, e per compiacerli havia fato disfar tre burchiele. Tamen, il ponte ancora steva fermo. Item, di l'ussir di spagnoli fuora di Verona, quali veneno per acompagnar todeschi; e altri avisi zercha il campo.

Noto. Intesi, hessendo venuti a Verona 2000 alemani et 300 cavali et zerca 800 spagnoli, i qual fanti yspani comenzavano a usar violentie, *adeo* fo chiamà il Consejo et proposto che diti spagnoli escano, altramente si sarano amazati sia loro il danno. E cussì fo terminato di far, *unde* fono licentiati; et diti spagnoli ussiteno di Verona, li fanti alemani romaseno, e altri spagnoli erano in dito numero a soldo di l'Imperador.

Di Udene, fo leto la letera. Come ho scripto di sopra.

Di l'Imperador non fo leto la letera, zerca i falconi.

Fo leto una relation di l'amico venuto di Franza, qual dice el suo camino, e come zonto el fu a Bles, che fu a di . . . trovò missier Andrea Griti a messa in una chiesia e li dete le letere, qual non le volse, ma le mandò a Rubertet, el qual tolto le letere, vene poi la sera da dito missier Andrea Griti con esse letere. Item, come nel ritorno trovò missier Zuan Jacomo Triulzi a Ors; dize coloqui auti insieme, dicendo: « Non è concluso, e come li capitoli è passà, vederemo s' il Re li vorà acetar o no; il mio secretario ch'è a Venecia, ha auto comision dil Re di far liga ». El qual missier Zuan Jacomo, a di 14, montava a cavalo per andar da'sguizari. E nota, è un aviso che la reina di Franza atende a far il Roy si acordi con l'Imperador e Spagna, e trata matrimonio di la seconda soa fiola ne l'archiduca di Borgogna, al qual li dagi el stato di Milan in dota e far nova liga; e questo la fa perchè mal volentiera l'è contra il Papa, dicendo s'il Roy si liga con la Signoria, il Papa sarà cazado. E altri avisi si ave sopra questa materia; la qual relation fo leta secretissima.